

এমো মেই প্রার্থনা হাতে

অপরাজিতা

কতটুকু পরিচয় হলো আমাদের মাঝে?
হয়তো সময়ের অভিধানে উত্তর নেই,
হৃদয় অরন্যে খুঁজে ফিরেছি বহুবার
হতাশা আমাকে অভ্যর্থনা করেছে সানন্দে।
যেন কে বলছে - কি দরকার?
উদভ্রান্তের মত প্রার্থনা করেছি বহুবার।
যেন দ্বিপ্রহরে তুমি হারিয়ে না যাও,
অনির্বান সৃষ্টির কারুকার্যে যেন তোমাকে বরণ করতে পারি।
উত্তপ্ত পৃথিবী আমার সে প্রার্থনা ভাসিয়ে নিল,
পৃথিবী যেন বলতে চায় -

এ স্পর্শে সুখের মিলন নেই।

উৎসারিত ঝর্ণাধারার মত প্রার্থনা করেছি বহুবার,
যেন গোধুলীতে তুমি হারিয়ে না যাও।
উষ্ণ হৃদয়ের ছোয়ায় যেন তোমাকে বরণ করতে পারি,
সময়ের প্রকোষ্ঠে যেন ধরে রাখতে পারি তোমাকে।

অন্ধকারের নিষ্ঠুর আভাস

আমার সে প্রার্থনা নীরব করে দিল।

রাতের অরণ্য যেন বলতে চায়

এ চাওয়া তোমার নয়।

অথচ সেই দিনের সেই একটু ক্ষনের তুমি
যেন বলে গেলে কিছু - হয়তো,
মহামিলনের দেশে এসো সেই প্রার্থনা হাতে।

